

Amplisimis & Consultisimis Viris,
D. MICHAELI LEFOENIO

&
D. GEORGIO MICHAELI LIN-
GELSHEMIO.

*Socero ac Genero, Serenissimi Electoris Palatini in
supremo Consistorio Consiliarii,*

MELCHIOR HAIMINSFELDIUS
GOLDASTUS S.P.D.

*V*iri dignitate magni, consilio fortes,
eruditione nobiles, claritudine con-
spicui, & humanitate spectabiles: Par-
tem hanc meorum adversariorum, quae
olim in Academiis & peregrinationibus
meis collecta, nunc, quo flagitatores Ty-
pographos absolvam, qui audiverunt
meorum scidarum esse segetem perbo-
nam, & à literatis eas coli solere, ad com-
pilandum pane compellor, passus sum exi-
re in publicum, non quod non longe me-
liora à me sperari velim, sed quia profe-
ctà sunt à summis viris, quibus res lite-
raria omnem prope vitam debet. Eas

):(3

Am-

Amplissimo nomine vestro proscribere
volui, tum ut novo hujus Urbis statuto
paream, cui adversari nefas duco, tum
ut tester meam, ut vere dicam, summam,
ac prope dicam, singularem adversus vos
observantiam. Quum enim ex quo tem-
pore in hanc vicinam vobis urbem per-
veni, & in amicitiam vestram me insi-
nuavi, incredibili vestra humanitate me
semper complexi sitis, animus meus non
amplius acquiescere voluit in iis sermoni-
bus, quos privatim & inter amicos coti-
dine de vobis libenter cadere solitus sum,
sed gestivit magis quasi foras prodire, &
facere, ut quam fieri posset, plurimi intel-
ligerent, nihil virtute ad alienam excitã-
dam acrius, nihil mihi videri prudentia
vestra excelsius, nihil humanitate, in hac
summa dignatione, suavius, nihil ama-
bilius. BB. VV. Francofordia, propriodie
Kalend. Januar. A. C. N.
MDCX.

SYL-